



Uunga  
Inatsisartunut ilaasortaq  
Bentiaraq Ottosen  
Atassut

## § 37 nr. 162\_2018 naapertorlugu apequtigineqartunut akissut

01-08-2018  
Suliap nr. 2018 - 15132  
All. nr. 8326237

Qujanaq apequtigisannut.

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

### 1. Nunatsinni cannabis olie kræftertunut nakorsaatitut atuutinneqalernissaa qanoq isumaqarfigaassiuk?

Ullumikkut immikkut tunniussinissamut akuersissut atorlugu Kalaallit Nunaanni cannabis nakorsaatitut nakorsanit atugassanngortissallugu periarfissaqareerpoq. Cannabis nakorsaat nakorsanit atugassanngortitaq ilaatigut kræftimik nappaateqartunut tapertaliullugu anniarunnaarsaatitut, nakorsaatiniq allanik katsorsaaneq naammattumik sunniutaarukkaangat atorneqartarpoq. Tamaallaat suliassaqarfinni nakorsaanerit aamma nunap immikkoortuini nakorsaanerit cannabis katsorsaatitut atugassanngortissinnaavaat.

### 2. Peqqissutsimut naalakkersuisoqarfik qanoq pilersaaruteqarpa tamatumingga tunngatillugu?

Peqqissutsimut Ilisimatusarnermullu Naalakkersuisoqarfiup aamma Kalaallit Nunaanni Peqqinnissaqarfiup kræftimik nappaatilinnik katsorsaasarnemi ilisimatusarneq malinnaavigaat. Maannakkut ilisimatusarnikkut paasisat nakorsaat cannabis atorlugu kræftimik nappaatillit katsorsarneqarsinnaanerannut paatsuugassaangitsumik uppersaataasinnaasut pigineqanngillat, taamaammat nakorsaat cannabis allatut nakorsaasersuutissatut naatsorsuutigineqanngilaq. Kisiannili nakorsaat cannabis anniarunnaarsaalluni katsorsaanerit tapertaliullugu atorneqartarpoq.

Tamakkununga uiggiullugu erseqqissarneqarsinnaavoq Kalaallit Nunaanni Peqqinnissaqarfik nakorsaatit nutaat katsorsaariaatsillu pillugit Rigshospitalimit kaammattuutiniq isumalluuteqartarmat. Cannabisip nakorsaatitut atugaanera eqqarsaatigalugu tamanna allaanerunngilaq. Naalakkersuisut maanna cannabis nakorsaatitut ukiuni sisamani misiliutitut ingerlanneqartoq malinnaavigaat, tassani napparsimasut cannabis nakorsaatitut kissaatigippassuk nakorsamit naliliineq tunngavigalugu katsorsartissinnaallutik. Misileraanermi inernerit kiisalu Sundhedsstyrelsemiit Rigshospitalimiillu innersuussutit Kalaallit Nunaanni nakorsaatitut

cannabis tungaviusumik tunniunneqartarnera allanngortinnissaanut sunniuteqarsinnaavoq.

Inussiarnersumik inuulluaqqusilluta



Doris J. Jensen

Peqqissutsimut Iisimatusarnermullu Naalakkersuisoq